



UNIVERSITÄTS-  
BIBLIOTHEK  
PADERBORN

**Vitæ Sanctorum Sacris per singulos anni dies  
Meditationibvs illustratæ**

**Paderbornæ, 1697**

Cathedra Petri Antiochiae. 22. Februarii.

---

[urn:nbn:de:hbz:466:1-62968](#)

libet retardet humani vituperii & odii metus. Levior est hominum benevolentia, quam quæ saluti animæ nostræ, & divinæ gloriæ anteponatur. Soli Deo laborare, & à solo Deo mercedem, aut pœnam expectare debemus, non ab hominibus, quorum remunerandi aut puniendi potestas cum vita perit.

2. Honestæ vivendi ratio à Christianis moribus aliena non est; Evangelium quippe apprimè convenit rationi; omnibus itaque, etiam inimicis tuis, benignum te & humanum præbeas, honoratores partes cuiquè concedas, comiter agas cum omnibus, neminem verbis aut factis lèdas; hæc si feceris, Christianum te & honestū hominem probâveris.

3. Caye nihilominus ne charitate, humanitate, & ipsam̄ humilitate tuâ vanam gloriam aucuperis. Uni Deo placere studeas, ejus exequoris mandata, & ejus imaginem cernis in fratre. Hoc erit tibi facillimum, si Dominum in proximo semper intueris. *Vidisti fratrem tuum; vidisti Deum tuum.* Clemens Alexandr.

## CATHEDRA PETRI ANTIOCHIAE.

22. Februarii.

*Tu es Petrus, & super hanc petram  
edificabo Ecclesiam meam, & por-  
ta inferi non prævalebunt adver-*

I 2

sùs

*sūs eam: Et tibi dabo claves Re-  
gni Cælorum. Christus. S. Matth. c. 16.*

**T**er felices estis, & ter sapientes Antiocheni cives, qui novam sacræ fidei auspiciaturi fabricam, supra Petram prima collocatis fundamenta, Apostolico vertici Pontificiam Mitram imponentes. Bene tibi sit Syria, hodie tuæ Metropoli salus facta est per Petrum: pari beatitate imposterum tota felicitanda. Non visum est quidem in his terris humanitate vestitum Numen, non transiit hâc benefaciendo & sanando omnes; delegavit tamen vicarium suum, eadem præstitorum, quæ incarnatus ipse DEVS. Statuerunt proinde ut Petrus posthac à Fidelium universitate Dei Prorex Chistiq; Vicarius adoraretur. Porrò crescente discipulorum cœtu, novo principi auctorati, novum nomen promerebantur: Compellati sunt igitur primùm Christiani, quod in reliquos deinde Orthodoxæ fidei Candidatos diffusum, hodie dum retinetur. Cùm septennarium annorum in urbe Antiochena expeditisset, statuit impellente Numinе, Romam & urbium & errorum caput, feligere erudiendam, ac beatificandam. Abiit ergo illuc Romani Pontificatū positurus initia.

## M E D I T A T I O

*De Ecclesia.*

1. **U**na est Ecclesia, Sponsa JESU Christi, quia unus est Deus. In eam Ecclesiam singulari Dei beneficio cooptatus es: An tantæ gratiæ memorem te præstitisti Deo? una cum sit Ecclesia, pars est, filios illius, primigeniæ charitatis æmulos, cor unum, & animam unam habere. Qua ratione pacem, & charitatem foves cum proximo tuo? Amore proximi agnoscitur discipulus Christi: *In hoc enim ( ait Christus ) cognoscent omnes, quia discipuli mei es tu.*

2. Ecclesia sancta est, quia Christus caput ejus, sanctus est, sancti sunt ejus fundatores, in filiis ejus tot fuerunt, & sunt sancti, doctrina demum illius, cæremoniæ, Sacraenta sancta sunt. Quam multa ad sanctitatem, tum exempla, tum incitamenta! An hujus matris dignus es filius? Compara vitam tuam cum vitâ primorum Christianorum, qui diu noctuque perseverabant in oratione, qui bona sua Apostolis dabant, ut ea pauperibus dispergirent.

3. Ecclesia dicitur Catholica, hoc est, universalis, quia per omnem terram longè lateque diffusa neminem prorsus excludit: Dicitur Apostolica ab Apostolis, qui sanctitate, doctrinâ, & sanguinis profusione eam fundarunt ac stabiliérunt. Ut germanus sis filius Ecclesie, pateat cor tuum, omni-

136. (o)

bus opitulare. Nihil unquam facias, quod indignum  
sit capite & corpore, cuius es membrum. Memento,  
cuius capitii & cuius corporis sis membrum. S. Leo.

## S. LAZARUS MON.

23. Februarii.

*Sicut portavimus imaginem terreni,  
portemus & imaginem cœlestis.*

S. Paul. I. ad Cor. cap. 15.

**L**Imaginem pictoris pinximus, utinam suis coloribus & tam bonis, quam bonis ille alios Divos depinxit & LAZARVS est Monachus idem & Apelles, sed sanctior illo altero, ut qui non iam Veneres Cupidinesque (oculorum laqueos) sed Virginem & in Virginis sinu Virginem Amorem, aliasque Cœli indigetes animare penicillo solitus est, eoque studiosius, quod sub eadem tempora Theophilus Imper. sublata è medio omnia Divorum monumenta vellet, omnibusque poenis in eos saviret, qui non confuerent hæc, pedibusque calcarent. Pugnabat ergo contra barbarum furorem docta manu LAZARVS, & peniculo reparabat, quidquid ferro ille in templis vel delevérat vel deformaverat. Captus igitur & ultimis tormentis.